

Casa di parlamentario deteni pa maltrato

ORANJESTAD - Den fin di siman un tuma luga un caso di maltrato cual a termina den detencion di e homber H. Ruiz cu ta casa di e parlamentario Xiomara Ruiz Maduro.

Segun nos fuente, e parlamentario a yama polis despues di a wordo maltrata. Polis a atende e caso y na mesun momento a bay over na detencion. Despues di esaki parlamentario a entrega un keho oficial.

A yama lider di MEP Evelyn Wever-Croes y el a confirma cu berdad su colega a haya su mes den problema. Ora a

puntra pa algun informacion adicional, sra. Wever-Croes a nenga di comenta. Redaccion di Bon Dia Aruba a purba tuma contacto cu vocero di Ministerio Publico Ann Angela pa haya informacion a base di strafrechtelijk onderzoek pero ta na momento di redaccion no a haya un reaccion.

Den un reaccion pa e corant Solo di Pueblo, e parlamentario a bisa: "Mi a pasa den un caso lamentabel di violencia domestico y m'a tuma e decision pa pone un paro na e abuso." Tambe sra. Maduro ta duna di conoce cu e ta bon di salud y e ta recuperando di



e situacion. El a laga sa cu e lo sa di surpasa e momentonan dificil aki y ta pidi comprension di tur persona pa e espacio cu e tin mester di dje na e momento aki.

E pregunta ta keda si e caso aki lo afecta e decision di sra. Maduro pa forma parti di eleccion 2017 ya cu e aña aki no tabata un bon aña te cu aworaki pa su persona. Algun tempo atras sra. Maduro a perde su tata na un forma inespera y awor ta hay'e confronta cu e problema aki tambe. Bon Dia Aruba lo sigui e caso aki di cerca y lo trece mas informacion ora cu esaki ta disponibel.